

Fundargerð aðalfundar foreldrafélags Kelduskóla (FFK)

Haldinn þriðjudaginn 7.maí kl. 20 í sal Kelduskóla-Korpu.

Dagskrá:

- 1) Kosning fundarstjóra og fundarritara
 - 2) Skýrsla stjórnar
 - 3) Reikningar lagðir fram til samþykktar
 - 4) Breytingar á lögum og starfsreglum
 - 5) Ákvörðun félagsgjalda
 - 6) Kosning stjórnar
 - 7) Kosning eins skoðunarmanns reikninga og eins varamanns
 - 8) Skýrsla skólaráðs
 - 9) Kosning fulltrúa foreldra í skólaráð
 - 10) Önnur mál
-
- 1) Formaður stjórnar FFK stakk upp á Þorvaldi Þorlákssyni sem fundarstjóra og Olgu B. Gísladóttur sem ritara. Fundur samþykkti.
 - 2) Inga Dóra Hrólfsdóttir formaður las upp skýrslu stjórnar
 - 3) Rósa Hjartardóttir gjaldkeri lagði fram reikninga til samþykktar. Reikningar samþykktir með handauppréttingu.
 - 4) Inga Dóra Hrólfsdóttir formaður lagði fram lagabreytingartillögu, um að setja inn í lög kennitölu félagsins. Um formsatriði er að ræða þar sem félagið var ekki komið með kennitölu á stofnfundi í október 2012. Samþykkt með handauppréttingu. Lagði einnig fram tillögur að starfsreglum bekkjarfulltrúa og starfsreglum um kosningu fulltrúa foreldra í skólaráð (sjá viðauka um starfsreglur). Samþykkt með handauppréttingu.
 - 5) Engin félagsgjöld voru rukkuð í vetur sem leið þar sem verið var að stofna nýtt félag. Þess í stað kom framlag frá foreldraélögum Korpuskóla og Víkurskóla sem lögð voru niður í haust og dugði sú upphæð starfinu vel. Lagt til að félagsgjöld verði 1000 krónur á barn, auk seðilkostnaðar. Rætt um hvort ætti að setja þak á greiðslur í barnmörgum fjölskyldum en fundurinn var sammála um að upphæðin væri það lág að þess þyrfti ekki. Samþykkt með handauppréttingu.
 - 6) Framboð til nýrrar stjórnar: Olga B. Gísladóttir og Kristín J. Valsdóttir í núverandi stjórn gefa kost á sér áfram. Haraldur Rafn Ingvason, Sigríður Ingvarsdóttir og Kristín Lóa Ólafsdóttir bjóða sig fram í stjórn. Eva Friðgeirsdóttir býður sig fram sem varamaður. Skv lögum FFK skulu 7 skipa stjórn auk 2ja varamanna. Því vantar 2 í stjórn og 1 varamann. Ákveðið að

þröngva ekki þá fundarmenn sem mættu á fundinn til stjórnarsetu. Þess í stað lagði formaður fram tillögu fyrir fundinn um að ný stjórn hafi heimild til að klára að mynda stjórn fyrir upphaf næsta skólaárs. Samþykkt með handauppréttingu. Ný stjórn samþykkt með handauppréttingu.

- 7) Skoðunarmaður reikninga kosinn: Guðlaug Ingvarsdóttir. Rósa Hjartardóttir varamaður. Samþykkt með handauppréttingu.

- 8) Eðvald Sveinbjörnsson fulltrúi foreldra í skólaráði las upp skýrslu skólaráðs. Fór yfir helstu mál sem rædd voru í vetur. Nokkuð var rætt um skólalóðirnar, t.d. sparkvöll í Vík, klifurvegg í Korpu. Fræðslufundur fyrir unglunga“Tölum Saman” – skólaráð ákvað að hvetja til góðrar mætingar foreldra og nemenda og tókst vel til. Staðið var fyrir fræðslufundi um þroska unglunga fyrir foreldra í 8.bekk. Fundir skólaráðs í vetur voru góðir og gott að fá innkomu krakkanna á fundina.

- 9) Kosið er í skólaráð til tveggja ára. Síðast kosið í október við stofnun nýs foreldrafélags Kelduskóla. Báðir fulltrúar sitja áfram sitt annað ár, Jóhanna Þorkeldsdóttir og Eðvald Sveinbjörnsson. Núverandi varamaður, Björk Guðbjörnsdóttir gefur kost á sér áfram. Inga Dóra Hrólfsdóttir gefur kost á sér sem annar varamaður. Samþykkt með handauppréttingu.

- 10) Önnur mál
 - a. Skólastjóri bað um orðið og þakkaði gott samstarf í vetur. Gott bakland foreldra í stjórn foreldrafélagsins og bekkjarfulltrúa. Sagði einnig frá því að borið hefði verið undir kennara í báðum byggingum um að hafa opið hús í báðum byggingum á vorhátíðinni sem hefði verið samþykkt. Fundur fagnaði því.
 - b. Fráfarandi formaður FFK kvaddi og þakkaði fyrir gott samstarf og óskaði nýrri stjórn velfarnaðar.

Fundarstjóri sleit fundi kl. 21:00.